



廉州府志卷二十

人物 一列傳 列女 耆壽 仙釋附

嶺表中原之地至廉而盡負山臨海廣袤千里而  
遙浩淼菁英之氣積鬱磅礴篤生賢才秦漢以來  
後先相望其間經明行修之士有勇知方之倫或  
奮志立功或抗節慕義卽巾幗女流鄉隅耆之亦  
足以表幽貞而昭人瑞天之生材不擇地豈曰崑  
嶠無松柏哉發潛德之幽光以樹之風聲守土者  
之責也志人物

陳列傳

志重漢

913633  
0032  
15

登記號 71228  
37年 8月3日

張重字仲篤合浦人才敏嗜學工詞說爲嶺表望  
刺史推擇爲日南郡從事舉計入洛明帝訝其短  
小問曰何郡小吏重抗聲應曰臣日南計吏陛下  
欲得其才耶抑將稱皮度肉耶帝善其對正旦大  
會帝問曰日南郡北向視日耶重對曰雲中金城  
不必皆有其實日南日亦出於東耳至於風氣暄  
暖日影仰當官民居止隨情面向東西南北迴背  
無定所謂日域在南者也帝益善之賜以金帛自  
此上計召對皆膺賞賚後位至通顯

按水經注引范泰古今善言曰日南張重舉計

入洛考後漢日南郡今之越南國舊志以張重

爲合浦人必有所謂其舊

丁茂字仲虛合浦人貧服勤事母曲盡歡心母

終負土治墳列植松柏白鹿遊其下馴擾不去相

傳以爲孝感舉孝廉不就衰經終其身請蒼梧丁

密傳亦以孝行聞人謂嶺南丁氏多孝

子云志

尹牙字猛德合浦人爲郡主簿太守南陽終寵到

官三級不笑尋見顏色牙造膝請謁問明府四節

悲歎有慘色思者何也寵曰父爲張周所害重

仇未報地長恨也牙乃傭僕自貶至洛爲太尉

着馬行其出入三年乃先醉左右近侍以夜

解縱詔馬令之亂駭張果出問其故手及張首而

還太平御覽引廣州先賢傳及交廣記事聞天子奇其才赦不問黃通

志

按通志牙報太守之私怨戕朝廷大臣乃刺客

之流法所不宥然東漢風尚往往有此今仍舊

志載而不刪要不可以不辨又按黃志云後

漢書太尉有河南張延無被殺事今本御覽作

張周豈佐所見本異耶阮通志

姚文式合浦人雅好詩書博通古今建安中舉茂

才任交州治中時步騭為刺史初到南海覽土地

形勢歎曰所誠海島膏腴之地宜為都也乃詢

竹筒治處人無知名謂之式判曰超位也治亦與  
番出縣遠接今入城東南偏有水坑陵城倚其上  
縣人謂之番山縣名番禺所謂番山之禺也他行  
南海尉事拒關設守番禺其所都後歸漢樂朝堂  
在州城東北三十里則他官近是矣隲登望得其  
處因立城郭以建州治綏和百粵文式之房也

孫吳

李補仁合浦人世爲郡望族兄弟十人同居郡北  
江上事親理家並皆慈孝廉讓吳五鳳初交州制  
史上其事詔賜爵三級復其家郡民因名其江曰

慈廉

江上  
舊志

隋

寧遠欽州人原籍冀州臨瀋梁武帝時除定州刺史總督九州諸軍事陳宣帝時又除授安州刺史遂籍安州達以惠德兼擅奇謀雄長百蠻世爲酋帥子二猛力宜

世

寧猛力生而嗣其尤爲典禮其父達破繼爲寧越太守嘗自與陳叔寶同山而生當代爲天子乃不入朝據有南海爲溪洞俚帥之雄至隋開皇時慮其數反十七年遣令狐暉爲杜州總管諸軍事至部大敷慰信諸帥歸附因而撫之先是猛力恃強驕倨從不參謁總管府自暉諭以恩信猛力感

之詣府請謁不敢爲非熙奏改安州爲欽州旣使  
持節開府儀同三司安州諸軍事安州刺史宋壽  
縣開國侯及員外散騎侍郎何稠之白嶺南還也  
猛力請隨稠入朝稠見其病篤遣還欽州後猛力  
戒其子長真曰我與大使約假令身死當遣子入  
侍不可失信汝葬我畢宜卽登路長真如言入朝  
稠爲刺史初何稠言猛力死必遣子入侍帝疑之  
至是如其言帝大悅曰何稠著信蠻夷乃至於此  
蓋猛力卒於文帝十七年之冬十月也

通鑑新唐書增輯

竇贇字翔威猛力次子長真弟也承父命於開皇  
十四年入朝受享禮賜緡繒授大都督旣南定交



趾北靖蒼梧仁壽二年詔以其兄弟公忠宜加榮  
秩增上儀同三司大業二年又以功拜上儀同三  
司十月入朝授開府儀同三司改爲正議大夫贊  
捍鷲有父風嘗以十舟破賊驢千乘於陀緣之海  
惜年三十五而逝故名不著於史云

贊墓碑  
增輯

唐

甯長真猛力長子開皇十七年史書欽州刺史甯  
長真來朝襲其父之職也煬帝時詔爲鴻臚寺卿  
授安撫大使隋亡與合浦太守宣以地附蕭銑銑  
遣長真帥嶺南兵自海道攻交趾太守邱和和欲  
迎之高士廉曰長真兵數雖多終軍道至不能持

久城申勝兵足以當之如其言長真果敗僅以自  
免武德五年邱和遣使奉表請入朝其年四月長  
真亦以寧越鬱林之地請降於李靖授欽州都督  
六年獻大珠不受八年長真遂陷封山縣未幾長  
真死子據襲刺史太宗時遣員外散騎常侍韋叔  
備侍郎李公淹持節宣諭諸溪洞首領皆降南方

遂定

通鑑唐  
書增輯

甯純字如和欽州人南海以西溪崗自漢晉來甯  
族最大世爲酋帥蠻獠皆歸之純少警敏通章句  
頗善書文宣甚愛之伯父猛力陳貞明時爲安州  
刺史循儻不賓服令宣治大廉崗而自居欽江隋

高祖平陳遣員外散騎侍郎何稠往嶺表撫交趾  
因論猛力入朝會猛力病劇謂稠曰我死當遣子  
長真入侍其後長真歸隋拜鳩臚卿而留宣爲合  
浦太守武德初長真與宣皆以地降詔授長真欽  
州都督宣卒以純爲廉州刺史純善撫衆招徠蔡  
龍尙民闢其四境請立爲縣已而徙刺合州族子  
道朗刺南越州爲高州首領馮暹州陷純舉兵擊  
退之貞觀初長真與宣皆卒而暄弟盜叛屢欲攻  
純純閉境自守唐遣中庶子張元素往鎮撫見純  
謹厚有禮以詩書教其宗人蠻俗向化甚稱獎之

卒於隋

原悌刺史純從孫少好學武后永昌元年舉進  
士以賢良策試於廷時對策者千餘人詔吏部尚  
書李景謏糊名校覆后親擢張柬之第一原悌第  
九原悌出荒服得上第朝野咸異之授校書郎累  
官諫議大夫睿宗景雲二年以西城隆昌公主爲  
女冠以資天皇太后冥福原悌上言先朝公主驕  
盈及禍抑損獲全釋道以清淨爲本不當廣營寺  
觀勞民費財今三公主入道將爲之置觀奈何過  
爲崇麗取謗四方又先朝所狎諸僧尙在左右宜  
加屏斥止覽而善之元宗朝復以諫議兼修國史  
元宗取所修史閱之見直書隱巢事不憚原悌叩

首曰周公誅管蔡季友鳩叔牙雖太宗不得已之  
誅亦隱巢有以自取爾由是忤旨去官卒葬於大  
墓山詔發五府兵以給葬事立祠於上蒙村今靈  
邑狼濟山有石室乃原悌讀書之所祠在欽州北  
二里許曰諫議廟

按原悌爲刺史純從孫通志舊志皆同考達子  
猛力宜見於史傳者遠長子猛力生長眞長眞  
生據次子宜生純惟封贈表原悌之父爲瓌瓌  
與據異俟考

姜神翊字祐之欽州遵化人其先自天水徙南海  
王神翊爲欽州參軍始置遵化縣遷舒州刺史修

阮山嗣建四學令行政肅淮南盜賊不敢入其  
境子庭以父任爲盛唐令捷生公輔爲名卿相

姜公輔神協孫母黃氏靈山人父捷徙日南生公  
輔第進士補校書郎以制策異等授右拾遺爲翰  
林學士歲滿當遷上書以母老賴祿而養求兼京  
兆戶察軍事公輔有高材每進見敷奏條暢德宗  
器之朱滔叛以蠟書間道邀其兄泚爲太原馬燧  
所獲泚初不知召還京師公輔諫曰陛下若不能  
坦懷待泚不如誅之養虎無自貽害不從旣而涇  
原軍亂帝自苑門出公輔扣馬諫曰泚嘗帥涇原  
得士心向以滔叛奪其兵居常抑鬱不自聊請馳

騎捕取以從無爲君羣克得之帝倉卒不及聽旣行  
欲駐鳳翔倚張鎰公輔曰鎰雖信臣然文吏也所  
領皆朱泚部曲泚若反鎰軍且有變非萬全策也  
帝亦憶術士桑道茂之言遂移奉天不數日鳳翔  
果亂殺鎰帝在奉天有言泚反者盧杞曰泚忠貞  
篤實奈何言其叛傷大臣心請以百口保之俄而  
僞詔至又聞羣臣多勸泚奉迎乘輿者乃詔諸道  
援兵距城一舍止公輔曰王者不嚴羽衛無以重  
威靈今禁旅單寡而士馬處外竊爲陛下危之帝  
曰善悉內諸軍泚兵果不如所言乃擢公輔諫議  
大夫同中書門下平章事帝從山南至城固縣出

安公主道薨主性仁孝許下嫁韋衍以播遷未克也帝悼之甚詔厚葬公輔諫曰臣平賊主必歸葬今行道宜從儉以濟軍興帝怒謂翰林學士陸贄曰唐安公主之葬不欲事塋壙合累甕爲浮圖贄甚約公輔欲故揚朕過自沽名耳贄曰公輔官諫議獻替固其分也不聽罷爲太子左庶子尋遭母喪服闋復爲右庶子再黜爲泉州別駕順宗立拜吉州刺史未就官卒憲宗朝贈禮部尙書

已上舊志

宋

李元芳合浦石康人崇寧間上書論廣西便民十事稱旨累遷朝奉大夫知高貴二州有治行



黃叔達字公濟靈山人有風節以薦辟補正額攝  
管隨軍攻破交趾玉山寨克復廣源等五州以功  
轉承議郎子五人濤渙沉漸洌濤沉終太學生餘  
俱歷官渙最知名

黃渙字彥舟力學通經史百家慷慨重氣節元符  
三年鄉薦崇寧間授定州刺史上書論天文政和  
七年陞通州直郎權知梧州軍事宜和五年以選  
次赴京會金人入寇渙率在部官奔南薰門上表  
畱駕已而奔南京奉表勸進高宗壯其志擢兵部  
侍郎建炎三年為虜戰沒贈朝奉大夫秘閣修撰

官其一子

黃渙